

8. Koeфицијент раста потрошачких цијена у јулу 2025. године у односу на исти мјесец претходне године је 0,045.

Po ovlaštenju
Vlade Federacije
Bosne i Hercegovine
Pomoćnik direktora
Šemso Šurković, s. r.

Broj 35

**KOEFICIJENTI
RASTA CIJENA U FEDERACIJI BiH
U SRPNJU 2025. GODINE**

1. Koeфицијент раста цијена произвођача индустријских производа у мјесецу српњу 2025. године у односу на претходни мјесец је -0,003.
2. Koeфицијент раста цијена произвођача индустријских производа од почетка године до краја српња је 0,005.
3. Koeфицијент просјечног мјесечног раста цијена произвођача индустријских производа од почетка године до краја српња је 0,001.
4. Koeфицијент раста цијена произвођача индустријских производа у српњу 2025. године у односу на исти мјесец претходне године је 0,040.
5. Koeфицијент раста потрошачких цијена у мјесецу српњу 2025. године у односу на претходни мјесец је 0,002.
6. Koeфицијент раста потрошачких цијена од почетка године до краја српња је 0,026.
7. Koeфицијент просјечног мјесечног раста потрошачких цијена од почетка године до краја српња је 0,004.
8. Koeфицијент раста потрошачких цијена у српњу 2025. године у односу на исти мјесец претходне године је 0,045.

Po ovlaštenju
Vlade Federacije
Bosne i Hercegovine
Pomoćnik direktora
Šemso Šurković, v. r.

Broj 35

**КОЕФИЦИЈЕНТИ
РАСТА ЦИЈЕНА У ФЕДЕРАЦИЈИ БиХ
У ЈУЛУ 2025. ГОДИНЕ**

1. Коефицијент раста цијена произвођача индустријских производа у мјесецу јулу 2025. године у односу на претходни мјесец је -0,003.
2. Коефицијент раста цијена произвођача индустријских производа од почетка године до краја јула је 0,005.
3. Коефицијент просјечног мјесечног раста цијена произвођача индустријских производа од почетка године до краја јула је 0,001.
4. Коефицијент раста цијена произвођача индустријских производа у јулу 2025. године у односу на исти мјесец претходне године је 0,040.
5. Коефицијент раста потрошачких цијена у мјесецу јулу 2025. године у односу на претходни мјесец је 0,002.
6. Коефицијент раста потрошачких цијена од почетка године до краја јула је 0,026.

7. Коефицијент просјечног мјесечног раста потрошачких цијена од почетка године до краја јула је 0,004.

8. Коефицијент раста потрошачких цијена у јулу 2025. године у односу на исти мјесец претходне године је 0,045.

По овлаштењу
Владе Федерације
Босне и Херцеговине
Помоћник директора
Шемсо Шурковић, с. р.

Број 35

**UDRUŽENJE POSLODAVACA U
FEDERACIJI BOSNE I HERCEGOVINE/
GRUPACIJA POSLODAVACA ZA
DJELATNOST CESTOVNOG PROMETA
FEDERACIJE BOSNE I HERCEGOVINE
I
SAMOSTALNI SINDIKAT SAOBRAĆAJA I
VEZA U BOSNI I HERCEGOVINI**

1410

Na osnovu člana 137., člana 138. stav 2. i člana 141. Zakona o radu ("Službene novine Federacije BiH", broj 26/16, 89/18, 44/22 i 39/24) i člana 55. Kolektivnog ugovora o pravima i obavezama poslodavaca i radnika u oblasti cestovnog prometa za teritoriju Federacije Bosne i Hercegovine ("Službene novine Federacije BiH", broj 103/21, 101/22 i 63/24), ugovorne strane:

NA STRANI POSLODAVACA: UDRUŽENJE POSLODAVACA U FEDERACIJI BiH/ Grupacija poslodavaca za djelatnost cestovnog prometa FBiH, koju zastupa Nedžad Siočić, predsjednik Grupacije poslodavaca, i

NA STRANI RADNIKA: SAMOSTALNI SINDIKAT SAOBRAĆAJA I VEZA U BiH, koji zastupa Benaris Dedić, predsjednik Sindikata.

u Sarajevu, dana 19.07.2025. godine zaključuju

**KOLEKTIVNI UGOVOR
O IZMJENAMA I DOPUNI KOLEKTIVNOG UGOVORA
O PRAVIMA I OBAVEZAMA POSLODAVACA I
RADNIKA U OBLASTI CESTOVNOG PROMETA ZA
TERITORIJU FEDERACIJE BOSNE I HERCEGOVINE**

Član 1.

U Kolektivnom ugovoru o pravima i obavezama poslodavaca i radnika u oblasti cestovnog prometa za teritoriju Federacije Bosne i Hercegovine ("Službene novine Federacije BiH", broj 103/21, 101/22 i 63/24), u članu 12. stav (1) broj "3,52 KM (tri konvertibilne marke i 52/100)" zamjenjuje se brojem "5,70 KM (pet konvertibilnih maraka i 70/100)".

Član 2.

U članu 13. u stavu (1) broj: "2,47 KM (dvije konvertibilne marke i 47/100)" se zamjenjuje sa brojem 4,00 KM (četiri konvertibilne marke)".

Član 3.

- (1) Ovaj kolektivni ugovor o pravima i obavezama poslodavaca i radnika u oblasti cestovnog prometa za teritoriju Federacije Bosne i Hercegovine zaključuje se u pet (5) istovjetnih primjeraka.

- (2) Ovaj kolektivni ugovor nakon zaključivanja objavljuje se u "Službenim novinama Federacije BiH" i stupa na snagu narednog dana od dana objavljivanja, a primjenjuje se od 01.09.2025. godine sa periodom važenja od godinu dana.

Broj I-183/25

19. augusta/kolovoza

2025. godine

Sarajevo

Broj 08-272/25

19. augusta/kolovoza

2025. godine

Sarajevo

Samostalni sindikat
saobraćaja i veza u BiH

Udruženje
poslodavaca Federacije BiH
Grupacija
poslodavaca za djelatnost
cestovnog prometa

Predsjednik
Benaris Dedić, s. r.

Predsjednik
Nedžad Siočić, s. r.

(SI-1218/25-F)

KONKURENCIJSKO VIJEĆE/SAVJET BOSNE I HERCEGOVINE

1411

Konkurencijsko vijeće na osnovu člana 25. stav (1) tačka e) i člana 42. stav (1) Zakona o konkurenciji ("Službeni glasnik BiH", br. 48/05, 76/07 i 80/09), člana 105. Zakona o upravnom postupku ("Službeni glasnik BiH", br. 29/02, 12/04, 88/07, 93/09, 41/13 i 53/16), a po Zahtjevu za pokretanje postupka Udruženja privatnih poštanskih operatera, Boce 14, 71240 Hadžići, Kanton Sarajevo putem Zajedničke advokatske kancelarije "Jasmir Muratović, Tanja Hadžagić i Ilvana Bijedić", Radićeva 1, 71000 Sarajevo protiv privrednih subjekata JP "BH Pošta" d.o.o., Obala Kulina Bana 8, 71000 Sarajevo zastupan po advokatu Arminu Zulkiću, Kaptol 1/I, 71000 Sarajevo, Preduzeća za poštanski saobraćaj a.d. - "Pošte Srpske" a.d., Kralja Petra I Karađorđevića 93, 78000 Banja Luka i JP "Hrvatska pošta" d.o.o., Tvrtka Miloša bb, 88000 Mostar radi utvrđivanja zabranjenog sporazuma iz člana 4. stav 1. tačka a) i d), utvrđivanja zloupotrebe dominantnog položaja u smislu člana 10. stav 2. tačka a) i c) i utvrđivanja postojanja zabranjene koncentracije u smislu člana 13., u vezi sa članom 12. stav 1. tačka c) Zakona o konkurenciji kao i povrede člana 9. stav 1. tačke a), b), c), i g) Odluke o definisanju kategorija dominantnog položaja ("Službeni glasnik BiH", br. 18/06 i 34/10), a postupajući po Presudi Suda BiH S1 3 U 041034 21 U od 13.12.2023. godine, na 24. (dvadesetčetvrti) sjednici održanoj dana 20.03.2025. godine, donijelo je

RJEŠENJE¹

- Odbija se Zahtjev Udruženja privatnih poštanskih operatera, Boce 14, 71240 Hadžići, Kanton Sarajevo protiv privrednih subjekata JP "BH Pošta" d.o.o., Obala Kulina Bana 8, 71000 Sarajevo, Preduzeća za poštanski saobraćaj a.d. - "Pošte Srpske" a.d., Kralja Petra I Karađorđevića 93, 78000 Banja Luka i JP "Hrvatska pošta" d.o.o., Tvrtka Miloša bb, 88000 Mostar radi utvrđivanja postojanja zabranjenog sporazuma u smislu člana 4. stav 1. tačka a) i d), kao neosnovan.
- Odbija se Zahtjev Udruženja privatnih poštanskih operatera, Boce 14, 71240 Hadžići, Kanton Sarajevo protiv privrednih subjekata JP "BH Pošta" d.o.o., Obala Kulina Bana 8, 71000 Sarajevo, Preduzeća za poštanski saobraćaj a.d. - "Pošte Srpske" a.d., Kralja Petra I Karađorđevića 93, 78000 Banja Luka i JP "Hrvatska pošta" d.o.o., Tvrtka Miloša bb, 88000 Mostar radi

utvrđivanja postojanja zloupotrebe dominantnog položaja u smislu člana 10. stav 2. tačka a) i c) Zakona o konkurenciji kao i povrede člana 9. stav 1. tačke a), b), c), i g) Odluke o definisanju kategorija dominantnog položaja, kao neosnovan.

- Odbija se Zahtjev Udruženja privatnih poštanskih operatera, Boce 14, 71240 Hadžići, Kanton Sarajevo protiv privrednih subjekata JP "BH Pošta" d.o.o., Obala Kulina Bana 8, 71000 Sarajevo, Preduzeća za poštanski saobraćaj a.d. - "Pošte Srpske" a.d., Kralja Petra I Karađorđevića 93, 78000 Banja Luka i JP "Hrvatska pošta" d.o.o., Tvrtka Miloša bb, 88000 Mostar radi utvrđivanja postojanja zabranjene koncentracije u smislu člana 13., u vezi sa članom 12. stav 1. tačka c) Zakona o konkurenciji, kao neosnovan.
- Odbija se zahtjev Udruženja privatnih poštanskih operatera, Boce 14, 71240 Hadžići, Kanton Sarajevo za naknadom troškova postupka kao neosnovan.
- Obezuje se Udruženje privatnih poštanskih operatera, Boce 14, 71240 Hadžići, Kanton Sarajevo da punomoćniku JP "BH Pošta" d.o.o., Obala Kulina Bana 8, 71000 Sarajevo nadoknadi troškove postupka u ukupnom iznosu od 982,80 KM (devetstotinaosamdesetdvije i 80/100) KM u roku od 8 (osam) dana od dana prijema ovog Rješenja.
- Ovo Rješenje je konačno i bit će objavljeno u "Službenom glasniku BiH", službenim glasilima entiteta i Brčko Distrikta Bosne i Hercegovine.

Obrazloženje

Ovim Rješenjem se izvršava presuda Suda Bosne i Hercegovine (u daljem tekstu: Sud BiH), broj S1 3 U 041034 21 U od 13.12.2023. godine, kojom je Sud BiH uvažio tužbu Udruženja privatnih poštanskih operatera Boce 14, 71240 Hadžići, Kanton Sarajevo i poništio rješenje Konkurencijskog vijeća Bosne i Hercegovine broj UP-03-26-3-040-97/18 od 14.07.2021. godine i predmet vratio na ponovno rješavanje.

Konkurencijsko vijeće Bosne i Hercegovine (u daljem tekstu: Konkurencijsko vijeće) je presudu Suda BiH zaprimilo dana 14.12.2023. godine, pod podneskom broj UP-03-26-3-040-106/18. Prema članu 62. Zakona o upravnim sporovima Bosne i Hercegovine ("Službeni glasnik BiH", br. 19/02, 88/07, 83/08 i 74/10) kada Sud poništi konačni upravni akt protiv koga je pokrenut upravni spor, predmet se vraća u stanje u kome se nalazio prije nego što je poništen akt donesen, a nadležna institucija je pri tome vezana pravnim shvatanjima Suda i primjedbama u pogledu postupka.

Konkurencijsko vijeće je dana 22.10.2018. godine, zaprimilo pod brojem UP-03-26-3-040-1/18 Zahtjev za pokretanje postupka (u daljem tekstu: Zahtjev) podnesen od strane Udruženja privatnih poštanskih operatera, Boce 14, 71240 Hadžići, Kanton Sarajevo (u daljem tekstu: Udruženje ili Podnosilac zahtjeva) putem Zajedničke advokatske kancelarije "Jasmir Muratović, Tanja Hadžagić i Ilvana Bijedić", Radićeva 1, 71000 Sarajevo protiv JP "BH Pošta" d.o.o., Obala Kulina Bana 8, 71000 Sarajevo (u daljem tekstu: BH Pošta), Preduzeća za poštanski saobraćaj a.d. - "Pošte Srpske" a.d., Kralja Petra I Karađorđevića 93, 78000 Banja Luka (u daljem tekstu: Pošte Srpske) i JP "Hrvatska pošta" d.o.o., Tvrtka Miloša bb, 88000 Mostar (u daljem tekstu: HP Mostar) radi utvrđivanja postojanja zabranjenog sporazuma iz člana 4. stav 1. tačka a) i d) i zloupotrebe dominantnog položaja u smislu člana 10. stav 2. tačka a) i c) Zakona o konkurenciji (u daljem tekstu: Zakon) i povrede člana 9. tačke a., b., c., i g. Odluke o definisanju kategorija dominantnog položaja (u daljem tekstu: Odluka). Također, navedeno Udruženje smatra da su navedeni privredni

¹ Rješenje objavljeno u "Službenom glasniku BiH", broj 45/25